



Publicaziuns dalla vischnaunca, jamna 17

Damonda da baghegiar

2019-1016.000

Datum dalla publicaziun: ils 26 d'avrel

Il patron: McKay Brothers Int. SA, Avenue Saint Paul 1, 1223 Cologny

Il representant: TM Concept AG, Delfterstrasse 12, 5000 Aarau

Object: Construcziun d'ina nova antenna da func (PIZR), Piz Russein, Parcella 2545,
7180 Disentis/Mustér

Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e sutscretta dil recurrent ni da siu representant.

Disentis/Mustér, ils 17 d'avrel 2019

Uffeci da baghegiar Disentis/Mustér

Via d'ual Runfoppa

Muort lavurs da transport da lenna cun suga e camiun a Runfoppa, vegn la via da Runfoppa serrada pil traffic motorisau durant quei temps. Era la sera e la fin d'jamna eis ei buca pusseivel da passar cun in vehichel. Las lavurs da transport entscheivan **gliendisdis, ils 23 d'avrel 2019** e cuozan duas jamnas. Per pedunzs ei igl access garantius. Per sclariment stat il sorprendider bugen a disposiziun: Candinas SA, telefon 081 936 35 00. Nus supplichein da prender enconuschientscha da quest avis.

Bien engraziament per la capientscha.

Disentis/Mustér, ils 9 d'avrel 2019

Uffeci forestal Disentis/Mustér

Via d'ual Punt da Brulf-Fontanivas

Serrada dalla via

Muort las lavurs da construcziun per slargar e rinforzar la via d'ual sto quella vegnir serrada per tut traffic motorisau sil tschancun naven dalla Punt da Brulf entochen tier il stan da sittar a Sars-Fontanivas. Per pedunzs e velocipedists ei il passadi adina pusseivels. Las lavurs da construcziun cuozan entochen miez fenadur 2019. Per sclariment stat il biro da planisaziun Enzler Bauleitungen, telefon 081 250 35 35 ni il selvicultur da revier Simon Cathomen, telefon 081 920 36 41 bugen a disposiziun. Nus supplichein da prender enconuschientscha da quests avis.

Bien engraziament per la capientscha.

Disentis/Mustér, ils 13 da mars 2019

Uffeci forestal Disentis/Mustér



Coop: Duel da vischnauncas 2019

Mustér e contuorn rimna minutas e resta fit!

La vischnaunca Disentis/Mustér, specialmein ellas lecziuns da sport da nossa scola populara duront il meins matg 2019, separticipescha all'acziun «Duel da vischnauncas» semover e rimnar minutas per restar fit. La vischnaunca Disentis/Mustér separticipescha per la secunda gada a quell'acziun che vegn sponsurada da Coop (www.coopgemeindeduell.ch). En quell'ediziun va ei per rimnar individualmein ni en gruppa minutas d'activitad per nossa vischnaunca.

InA e scadinA (persunas singulas sco era uniuns sportivas) che han plascher d'esser en moviment ein envidai da separticipar. Carghei l'applicaziun «Coop Gemeinde Duell» sin Vies telefonin, elegi «Gemeinde Disentis» ed exequi tenor declaraziun/indicaziun ell'applicaziun. En differents loghens a Disentis/Mustér, p.ex. administraziun communal, nossa scola populara, Center da sport e cultura, pendan naven dall'entschatta matg placats per s'informar e registrar las minutas gudignadas cun agid d'in code «QR». L'acziun cuoza duront gl'entir meins da matg 2019. Per damondas ed ulteriur sclariment stat Roger Tuor (tel. 081 936 44 25, meinascola@scoladisentis.ch ni www.scoladisentis.ch/organisaziun/home) a Vossa disposiziun.

Engraziel per Vies engaschi e cordials salids!

Nossa scola populara Mustér

Gidonters per «La stria da Dentervals»

Il comite d'organisaziun dil teater el liber a Mustér enquera aunc ulteriuras gidontras e gidonters per saver realisar il project. Tgi che ha pia peda ils dis da producziun (**ils 30 e 31 da matg, igl 1., ils 2, 7, 8, 9, 10, 14 e 15 da zercladur**) ed ha gust dad esser part da quei spectachel particular a S. Gada, astga bugen s'annunziar tier Gion Hosang, gion.hosang@dentervals.gr ni 079 690 97 42.

Il comite d'organisaziun selegra sin vies agid.

Helfer für «La stria da Dentervals»

Das Organisationskomitee des Freilichttheaters in Disentis sucht noch mehr Helfer/innen, um das Projekt zu realisieren. Wer an den Vorstellungstagen (**30. und 31. Mai, 1., 2., 7., 8., 9., 10., 14. und 15. Juni**) Zeit und Lust hat, an diesem einmaligen Spektakel in S. Gada mitzuwirken, darf sich gerne bei Gion Hosang melden, gion.hosang@dentervals.gr oder 079 690 97 42.

Das Organisationskomitee freut sich auf eure Hilfe.